

გედევან ფოფხაძე:

„აჲ გმონია, რომ ჩვენ მივიღეთ კანონი არა მონაქვის, არამედ მნავალაუის წინააღმდეგ“

მე-2 გვერდზე



„ქარვისფერი ღვინო“ ვაზისა და ღვინის საერთაშორისო ორგანიზაციის სპეციალური ღვინოების ჩამონათვალში შევა

მე-3 გვერდზე



ილია II: „იყავით იქ, სადაც ბრძანდებით, მაგრამ ამავე დროს, იყავით საგუბლონი!“

დიასპორის დღისადმი მიძღვნილ ფორუმზე საქართველოს კათოლიკოს პატრიარქის ილია მეორის მოწოდებამ ემიგრანტებს შორის არაერთგვაროვანი რეაქცია და გამოხმაურება გამოიწვია. საკუთარი ქვეყნიდან ოჯახის სარჩენად წასული ქართველების ნაწილმა პატრიარქის მოწოდება იმგვარად აღიქვა, რომ მათი დაბრუნება სამშობლოში უკვე აღარავინ აწყობს. არადა, რამდენიმე წლის წინ თავად პატრიარქი მოუწოდებდა ემიგრანტებს სამშობლოში დაბრუნებულიყვნენ. რა მოხდა რამდენიმე წელში, რამაც პატრიარქს აზრი შეაცვლია?



დიასპორის დღისადმი მიძღვნილი ფორუმში „ძლიერი დიასპორა ერთიანი საქართველოსთვის“ საქართველოს საგარეო საქმეთა სამინისტროს, მიგრაციის საერთაშორისო ორგანიზაციისა და მიგრაციის პოლიტიკის განვითარების საერთაშორისო ცენტრის მხარდაჭერით გაიმართა.

ფორუმში უცხოეთში მცხოვრებ თანამემამულეებთან კავშირების გაღრმავებას ისახავდა მიზნად, თუმცა პირიქით კი გამოვიდა. პატრიარქის განცხადებამ უფრო მეტად ემოციური კომენტარები გამოიწვია საზოგადოებაში, ვიდრე ემიგრანტების პრობლემებზე მსჯელობა. საზღვარგარეთ წასულმა ქართველებმა პატრიარქის მოწოდება არაერთგვაროვნად აღიქვეს.

„რამდენიმე წლის წინ, მოგვიწოდებდით, რომ დაბრუნებულიყავით სამშობლოში, ახლა მოგიწოდებთ, რომ იყავით იქ, სადაც ბრძანდებით, მაგრამ ამავე დროს, იყავით სამშობლოში. ეს საჭიროა, უპირველეს ყოვლისა, საქართველოსთვის,“ - განაცხადა ილია მეორემ დიასპორის დღისადმი მიძღვნილ ფორუმზე და საქართველოდან წასული ემიგრანტებს მოუწოდა დაეხმარნენ სამშობლოს მცირე და საშუალო ბიზნესის შექმნაში.

„თქვენ უნდა დაგვეხმაროთ მცირე და საშუალო ბიზნესის შექმნაში. ყველაფერი უნდა გავაყვით იმისთვის, რომ ჩვენმა შვილებმა რომლებიც მოღვაწეობენ, ცხოვრობენ უცხოეთში, არ დაივიწყონ ქართული ენა და კულტურა, ეკლესიები და მონასტრები, რომლებიც შეიქმნა უცხოეთში და რომლებიც ჩვენი სულიერი კულტურის ცენტრები გახდა, შეიქმნა წრეები ქართული ცეკვის, სიმღერის, ქართული ენისა და ლიტერატურის და ამაში აქტიური მონაწილეობა უნდა მიიღოთ თქვენ...“

მე მინდა გთხოვოთ, რომ თქვენ უნდა იყოთ მოქალაქე საქართველოსი. შეიძლება თქვენ ცხოვრობთ უცხოეთში, მაგრამ ამავე დროს, უპირველეს ყოვლისა, თქვენი წინაპრების ძეგლები, ფესვები არის აქ, საქართველოში და ეს არ უნდა დაივიწყოთ. ღმერთმა დაგლოცოთ. მაღლობელი ვართ იმისთვის, რასაც სამშობლოსთვის აკეთებთ“ - აღნიშნა სრულიად საქართველოს კათოლიკოს-პატრიარქმა ილია მეორემ.

პატრიარქის ამ სიტყვებს სოციალურ ქსელებში საკმაოდ ემოციური გამოხმაურება მოჰყვა. განსაკუთრებით, რეაქცია მოჰყვა ფრაზას - „იყავით იქ, სადაც ბრძანდებით...“ ზოგმა ეს პირდაპირ მოწოდებად აღიქვა, რომ სამშობლოში აღარ დაბრუნდნენ, ზოგიერთმა კი - პატრიარქის მიერ სახელმწიფოს უუნარობის აღიარებად.

„როდესაც პატრიარქი ამბობს, არ დაბრუნდეთო, ე.ი. დიდ სამშობროებს ხელდას და გვაფრთხილებს! ქვეყნის ტერიტორიის დაკარგვაზე საშიში, ერის, როგორც ეთნიკური ერთეულის განადგურება... ტერიტორიის გარეშე დარჩენილმა, მსოფლიოს ყველა კუთხეში გაფანტულმა ებრაელებმა ხალხმა

რწმენისა და ტრადიციების შენახვით, კვლავ შეძლო გაერთიანებულიყო და მსოფლიოს ერთ-ერთ წარმატებულ ქვეყნად ქცეულიყო, ამიტომ გვაფრთხილებს ილია მეორე, უცხო მიწაზე საკუთარი ქვეყანა და ფესვები შეინახეთო და თუ არა, მტრის იდეოლოგიის გამტარებელ პარტიებზე კი არ უნდა დავიყოთ, არამედ უნდა გავერთიანდეთ და ხელისუფლებაში საქვეყნო ხალხი მოვიყვანოთ, რა ამდენ გონიერ აღამიანში 150-200 ასეთი კაცი არ მოგვეძებნება?!“ - წერს ქუთაისელი ლია გვინეტაძე სოციალურ ქსელ „ფეისბუქში“.

„საქართველოს საპატრიარქოს, საქართველოს საოკუპაციო ადმინისტრაციის ხელმძღვანელებს და იმ ბატონებს, ვინც თვლის, რომ ჩვენ ლუკმა-პურისთვის ვართ აქ ბატონებო, ჩვენ არავის ვკითხავთ, არც არასოდეს შევეკითხებთ და არც არავის დაძახებო ჩასულა იბერები, კოლხები, სრულიად ქართველები სამშობლოში, ჩვენ როცა გვინდა, მაშინ დავბრუნდებით მამაპაპისეულ ჩვენს სამშობლოში. კიდევ, „ლუკმა-პურის საქმენადო“, თურმე ის 1 მლრდ 500 000 დოლარს, რომელსაც ღებულაქ საქართველოში, ლუკმა-პური ყოფილა. დევნილებო, მაღლობასაც არ გვიხდინან, პრობლემებს რომ აგვარებენ ჩვენი გზავნილით,“ - წერს გლადიმერ ხმელიძე.

პატრიარქის კრიტიკოსებს საკუთარი ფეისბუქის გვერდზე გამოეხმაურა და ემიგრანტების დაბრუნების ეკონომიკურ შედეგზე გაამახვილა ყურადღება საქართველოს ყოფილი პრეზიდენტის, ელუარდ შევარდნაძის ეკონომიკურმა მრჩეველმა თემურ ბასილიამ, რომელიც წლებია ამერიკის შეერთებულ შტატებში იმყოფება.

„დღეს რამდენჯერმე წავიკითხე, რომ ზოგიერთ პირს უკმაყოფილება გამოუთქვამს საქართველოს პატრიარქის რჩევებზე ემიგრანტების მიმართ, რომ დაბრუნდნენ იმ ქვეყნებში, სადაც არიან და შეინარჩუნონ კავშირი თავის სამშობლოსთან.“

წარმოდგენილი პატრიარქის „კრიტიკოსებს“, რა მდგომარეობაში აღმოჩნდება ქვეყანა, მილიონნახევარი ქართველი ემიგრანტი მართლაც რომ დაბრუნდეს სამშობლოში? ოფიციალური მონაცემებით, ამჟამად საქართველოში 11.8%-ია უმუშევრობის დონე (ანუ, დაახლოებით 400 ათასამდე პირია დაუსაქმებელი)... წარმოიდგინეთ, რა მოხდება, როდესაც დღეს საქართველოში მცხოვრებ 400 ათას უმუშევარს, ემიგრაციიდან დაბრუნებული

მილიონნახევარი აღამიანი რომ დაემატება,“ - წერს თემურ ბასილია და დასძენს, რომ 2012 წლიდან მიმდინარე წლის მასამდე ქართველმა ემიგრანტებმა საქართველოს მასშტაბისთვის უზარმაზარი თანხა - 6.9 მილიარდი აშშ დოლარი გადმოიტაცეს საქართველოში.

„ემიგრანტების ფინანსური გზავნილები ქვეყანაში ვალუტის შემოდინების ერთ-ერთი უმნიშვნელოვანესი წყაროა. რომ არა ქართველი ემიგრანტების ფინანსური გზავნილები, საქართველოს ეკონომიკა კიდევ უფრო მწვავე პრობლემების წინაშე იქნებოდა - მკვეთრად შემცირდებოდა ქვეყნის სავალუტო რეზერვები, საფრთხის ქვეშ დადებოდა ისედაც მყიფე მაკროეკონომიკური სტაბილურობა, ქვეყანა დადგებოდა ჰიპერინფლაციის საფრთხის წინაშე და ლარის გაუფასურებაც საგანგაშო ზღვარს მიუახლოვდებოდა“ - მიიჩნევს ბასილია.

ვის და რატომ არ უნდა ემიგრანტების დაბრუნება - თავისი ვერსია აქვს მხატვარ გულნარა წიკლაურს, რომელიც წლების წინ ქუთაისის საჯარო ბიბლიოთეკის ხელმძღვანელოდა და ამჟამად ამერიკის შეერთებულ შტატებში ცხოვრობს.

„პირველ რიგში - ოჯახებს, შვილებს, რადგან ამით მათ მოაკლდება შემოსავალი, ვეღარ დაიკმაყოფილებენ მატერიალურ მოთხოვნებს... ვერ გადაიხდიან სწავლის, ქორწილების, დაბადების დღეების, რესტორნების, მანქანების და ბინების ყიდვის, ზაფხულში დასვენების, საყვარლების უზრუნველყოფის და ათას სხვა ხარჯს...“

სახელმწიფოს - რადგან, ემიგრანტებისგან შემოდის მილიარდობით თანხა და მათ მიერ უზრუნველყოფილი ოჯახები სახელმწიფოს პროტესტს არაფერში უცხადებენ, პრეტენზიებს არ უყენებენ...“

საპატრიარქოს - რადგან, ემიგრანტებმა შეიძინეს მონობები ეკლესიებისთვის და ინახავენ მათ...“

ქართულ შოუ-ბიზნესს - რადგან ემიგრაციის მეშვეობით ატარებენ კონცერტებს საზღვარგარეთ და აკეთებენ ფულს... და კიდევ ბევრ ვინმეს...“

და ამ დროს ამ ხორცმეტებს არ ალღელებთ, თუ რა დამცირების, მონური შრომის, ღირსების შელახვის ფასად უჯდება ემიგრანტს ფულის შოვნა...“

თუ როგორ არიან დაავადებულნი ემიგრანტები ნევროზით, ათასი სხვა დაავადებით... თუ როგორ ენატრებათ ოჯახი, სკაიპებით გაზრდილი შვილები და შვილიშვილები... როგორ ენატრებათ სამშობლო, საკუთარი ლოგინი, სახლი, ეზო... ამ დარდსა და მოლოდინში გადის მათი ცხოვრების საუკეთესო წლები...“

და როცა ჰგონიათ, რომ იქნებ რამე სასიკეთოდ შეიცვალოს და საქართველოში დაბრუნების დრო დადგა, მათ ეუბნებიან, რომ არ დაბრუნდნენ და დარჩნენ იქ, სადაც არიან... ეს უკვე მარაზშია... ეს უკვე ყოველგვარ ზღვარს გადასცდა...“ - წერს გულნარა წიკლაური და მიიჩნევს, რომ პატრიარქმა და ხელისუფლებამაც შეთანხმებულად გასწირეს ემიგრანტები.

ცოცხალი პაატაშვილი



PS news.ge

ISSN 1787-7056

7 7 1 9 8 7 7 0 5 0 4

ფოიერვერკის გამოყენება მხოლოდ თვითმმართველობის ნებართვით დღესასწაულებზე და ოფიციალურ სახელმწიფო ღონისძიებებზე იქნება დაშვებული

ხმაურის დასაშვები ნორმების გადამეტებისთვის ადმინისტრაციულ-სამართლებრივი პასუხისმგებლობა ე.წ. პიროტექნიკის გამოყენებით გამოიწვევს ხმაურზე გავრცელებას.

„ადმინისტრაციულ სამართალდარღვევათა კოდექსში“ დაგეგმილი ცვლილებები, რომელიც დღეს და ღამის საათებში, საცხოვრებელ სახლებსა და საზოგადოებრივ/საჯარო შენობებში აკუსტიკური ხმაურის დასაშვები ნორმების გადამეტებისთვის ადმინისტრაციულ-სამართლებრივი პასუხისმგებლობის დაწესებას ითვალისწინებს, დაჯარიმებას პიროტექნიკური ნაკეთობების მიერ გამოცემულ ხმაურზე გამოიწვევს.

პიროტექნიკის გამოყენებით გამოიწვევს ხმაურთან დაკავშირებული პუნქტი პროექტს განხილვის პროცესში დაემატა. „ეს არის პრობლემა, რომელიც საკმაოდ აქტუალურია. გაჩნდა ორგანიზაციები, რომელიც მოქალაქეებს ამ სერვისს სთავაზობენ და ადამიანები, მაგალითად საბურთალოს, საკუთარ პარტნიორებსა და მეგობრებს ფოიერვერკებს უწყობენ. კანონით კონკრეტდება, რა შემთხვევაში იქნება შესაძლებელი მათი გამოყენება - მხოლოდ თვითმმართველობის ნებართვით დღესასწაულებზე და ოფიციალურ სახელმწიფო ღონისძიებებზე“, - განუცხადა „ინტერპრესნიუსს“ პროექტის ერთ-ერთმა ავტორმა და ინიციატორმა, პარლამენტის წევრმა ლევან გოგიჩაიშვილმა.

„ადმინისტრაციულ სამართალდარღვევათა კოდექსში“ ცვლილებების პროექტი დღეს პირველი მოსმენით იურიდიულ საკითხთა კომიტეტმა განიხილა და მხარი დაუჭირა. პროექტის ავტორები არიან პარლამენტის წევრები: ეკა ბესელია, ლევან გოგიჩაიშვილი, ბექა ოდიშარია, გედევან ფოფხაძე, აკაკი ზოიძე, ირაკლი ბერაია, სალომე ზურაბიშვილი.

„ადმინისტრაციულ სამართალდარღვევათა კოდექსში“ დაგეგმილი ცვლილებები პირველ ჯერზე ხმაურის დასაშვები ნორმების გადამეტებისთვის ითვალისწინებს ფიზიკური და იურიდიული პირის გაფრთხილებას. სამართალდარღვევის ჩადენიდან ერთი წლის განმავლობაში სამართალდარღვევის მეორედ ჩადენა გამოიწვევს ფიზიკური პირის დაჯარიმებას 150 ლარის ოდენობით, იურიდიული პირის - 500 ლარის ოდენობით.

ხმაურის დასაშვები ნორმების გადამეტებასთან დაკავშირებული სამართალდარღვევის მესამედ და მის შემდგომ ჩადენა გამოიწვევს დაჯარიმებას ფიზიკური პირის - 300 ლარის ოდენობით, ხოლო იურიდიული პირის - 1000 ლარის ოდენობით.

პარლამენტში წარდგენილი კანონპროექტი ითვალისწინებს ადმინისტრაციულ-სამართლებრივ პასუხისმგებლობას დღის (07.00-23.00 საათამდე) და ღამის საათებში (23.00-07.00 საათამდე) ხმაურის დასაშვები ნორმების გადამეტებისთვის.

ასევე, კანონპროექტის გათვალისწინებით, 2018 წლის 1-ელ აპრილამდე ადმინისტრაციულ სამართალდარღვევათა ოქმს აღენენ და ადმინისტრაციულ სამართალდარღვევათა საქმეს განიხილავენ შინაგან საქმეთა ორგანოები - საპატრულო პოლიცია, რომელიც განხორციელებულ სამართალდარღვევებზე შესაბამისი ხმაურში ხელსაწყოებით უზრუნველყოფს პირის მიმართ შესაბამისი ადმინისტრაციულ-სამართლებრივი პასუხისმგებლობის დაკისრებას.

2018 წლის 1-ელი აპრილიდან ეს ფუნქცია აღვივდება თვითმმართველობის ორგანოებს გადაეცემა.

ეპროკურმა საქართველომ პარტიის დაფუძნებელი ყრილობა გააერთიანა

პარტიის მოძრაობა თავისუფლებისთვის - ევროპული საქართველო დაფუძნებული ყრილობა გაიმართა დღეს სპორტის სასახლეში, სადაც გენერალური მდივანად გიგი უგულავა აირჩიეს.

ყრილობის 500-მდე დელეგატმა პარტიის თავმჯდომარედ დავით ბაქრაძე, ხოლო პოლიტიკური საბჭოს ხელმძღვანელად გიგა ბოკერია აირჩია.

„გზედვად და ვგრძნობ, იწყება ახალი ეტაპი ჩემს ცხოვრებაში, იწყება ახალი შრომა, იწყება ახალი ბრძოლა და პირობას გაძღვევთ ამ ბრძოლაში თქვენთან ერთად ბოლომდე ვიდგები და ბოლომდე დავიხარჯები. დღეს ჩვენი ერთად დგომა არის ნიშანი იმისა, რომ საქართველოში ისევ იბადება და ძლიერდება ენერჯიული, კომპეტენტური ძალა. ძალა, რომელსაც აქვს ზუსტი ხედვა რა სჭირდება ჩვენ ქვეყანას განვითარებისთვის და წინსვლისთვის. ეს ძალა თქვენ ხართ - მოძრაობა თავისუფლებისთვის - ევროპული საქართველო“, - განაცხადა გიგი უგულავამ ყრილობაზე სიტყვით გამოსვლისას.

მისი თქმით, პარტიაში გაწევრიანებული პირები იყვნენ და რჩებიან 2003 წელს საქართველოში „ვარდების რევოლუციის ღირებულებების და პრინციპების ერთგული“.



პარტიის გენერალურმა მდივანმა მომავალ გეგმებზეც ისაუბრა და აღნიშნა, რომ არჩევნების გზით შეცვლიან მთავრობას.

„პირველ ნაბიჯად ამ შემოდგომაზე დავასრულებთ ოცნების ერთპარტიულ მონოპოლიას საქართველოში და შემდგომ საპრეზიდენტო და საპარლამენტო არჩევნებზე ჩვენ მშვიდობიანად გავისტუმრებთ მმართველობიდან საქართველოს მთავარ მუხრუჭს, ივანიშვილის მთავრობას. მათ მოუწევთ ოპოზიციაში გადასვლა. ეს გარდაუვალია“, - განაცხადა უგულავამ.

ყრილობაზე ასევე გამოვიდა სიტყვით პოლიტსაბჭოს თავმჯდომარე გიგა ბოკერია: „თქვენ ხართ ის გუნდი, ვისი იმედიც შეუძლია“.

ქონდეს საქართველოს. თქვენ ხართ ის გუნდი, რომელიც არასოდეს არ დათმობს ჩვენს არჩევანს, რომ ვიყოთ თავისუფალ ერთა ოჯახის სრულფასოვანი წევრი, რომელიც არასოდეს არ დათმობს ჩვენ ევროპულ არჩევანს - ევროპულ საქართველოს, თქვენ ხართ ის გუნდი, რომელიც არასოდეს შეგეუბნება, რომ ჩვენ დავებრუნდეთ ჩვენი ჩრდილოეთი მეზობლის, დღევანდელი რუსეთის ჭაობში“.

გიგა ბოკერიამ მომავალ გეგმებზე საუბრისას ასევე აღნიშნა, რომ „დემოკრატიული გზით“ შეცვლიან ხელისუფლებას.

„ყველაზე კარგი მთავრობაც კი საშიშია თუ ის ხალხს და კონსტიტუციას არ ემორჩილება“, - განაცხადა

გედევან ფოფხაძე: „მე მგონია, რომ ჩვენ მივიღეთ კანონი არა მოწვევის, არამედ მწველად ნინა ალფიაშვილის წინააღმდეგ“

მიუხედავად დიდი კამათისა და აზრთა სხვადასხვაობისა, „თამბაქოს კონტროლის შესახებ“ კანონპროექტი საქართველოს IX მოწვევის პარლამენტმა მე-3 მოსმენით მიიღო. კენჭისყრაზე პარლამენტარების ხმები ასე გადანაწილდა: 85 მომხრე 1 წინააღმდეგი. კანონპროექტს მხარი არ დაუჭირა გედევან ფოფხაძემ.

აღნიშნული კანონის ინიციატორი პარლამენტის წევრი გუგული მალრაძეა.

კანონპროექტით, მკაცრად იკრძალება თამბაქოს ნაწარმის პოპულარიზაცია, საჯარო სივრცეებიდან მოწვევა დაშვებული იქნება მხოლოდ რამდენიმე ობიექტში, მათ შორის, სამორინესა და სიგარაბარში, თუმცა, ისინი უნდა აკმაყოფილებდნენ გარკვეულ სალიცენზიო პირობებს. თამბაქოს მოწვევა ასევე აიკრძალება ღია სივრცეებში და სტადიონებზე. „თამბაქოს კონტროლის შესახებ“ კანონი ეტაპობრივად შევა ძალაში, 2018 წლის 1 მაისიდან კი მოხდება სრული აკრძალვა.

„ჩვენ მივიღეთ კანონი, რომლის შედეგადაც საქართველო გახდება ქვეყანა, სადაც იქნება თამბაქოს-გან თავისუფალი სივრცე და სადაც არამწვევლთა უფლებები იქნება დაცული. ამ კანონით, ასევე, დავიცავთ არასრულწლოვანებს მოწვევის საფრთხისგან“ — განაცხადა კანონის ავტორმა გუგული მალრაძემ. ჩვენ ასევე ვესაუბრეთ ადამიანის უფლებათა დაცვის კომიტეტის თავმჯდომარის მიაძღვილეს, პარლამენტის წევრს, გედევან ფოფხაძეს, რომელმაც კანონპროექტს მხარი არ დაუჭირა.

„მე მგონია, რომ ჩვენ მივიღეთ კანონი არა მოწვევის, არამედ მწვევლების წინააღმდეგ. რაც არასწორია. უფლებრივად ამ ადამიანებსაც აქვთ უფლება, მოწიონ, მიუხედავად იმისა, რომ ეს მავნე ჩვევაა. რეგულაციებით ადამიანების ჩაყენება ასეთ მდგომარეობაში, ცოტა არ იყოს, დისკრიმინაციაა.“ — გვითხრა გედევან ფოფხაძემ.

ლიკა დავლარიანი

„ვესაუბრებით ამომრჩევლებს“ – საარჩევნო ადმინისტრაციის ახალი ინიციატივა

„ვესაუბრებით ამომრჩევლებს“ - ეს არის საარჩევნო ადმინისტრაციის ახალი ინიციატივა და საქართველოს მასშტაბით საოლქო საარჩევნო კომისიების მოსახლეობასთან შეხვედრების ითვალისწინება.

თითოეულ მუნიციპალიტეტში ვასვლითი შეხვედრები ეტაპობრივად იმართება; ამომრჩევლებს საოლქო საარჩევნო კომისიების წარმომადგენლები სოფლებსა და მუნიციპალიტეტების საზოგადოებრივი თავმჯდომარის ადგილებში ხვდებიან და 2017 წლის თვითმმართველობის არჩევნების და საარჩევნო ადმინისტრაციის შესახებ აწვდიან ინფორმაციას; ურიგებენ მათ საინფორმაციო ბარათებს თვითმმართველობის არჩევნების შესახებ, ესაუბრებიან საკუთარი საარჩევნო უფლებების თაობაზე და იზიარებენ მათ მოსაზრებებს.

საარჩევნო ადმინისტრაციისთვის არსებითად მნიშვნელოვანია მოქალაქეების აზრის გაგება ზოგადად საარჩევნო პროცესთან დაკავშირებით და სწორედ მათი მოსაზრებების გათვალისწინება საარჩევნო ადმინისტრაციის მიერ შეთავაზებული სერვისების გაუმჯობესების მიზნით; აღნიშნულიდან გამომდინარე, სურვილის შემთხვევაში ამომრჩევლები შეაგებენ მოსაზრებების ბარათებსაც. საარჩევნო ადმინისტრაცია, თავის მხრივ კომპეტენციის ფარგლებში გეგმავს მიღებული მონაცემების საკუთარ საქმიანობაში გათვალისწინებას.

გასვლითი შეხვედრებისას საოლქო საარჩევნო კომისიების წარმომადგენლები მოქალაქეებს ასევე იწვევენ მათ დაგეგმილ საჯარო საინფორმაციო შეხვედრებზე (რომელიც საოლქო საარჩევნო კომისიებში გაიმართება), სადაც მათ შესაძლებლობა ექნებათ კიდევ უფრო დეტალური ინფორმაცია მიიღონ არჩევნებისა და საარჩევნო ადმინისტრაციის საქმიანობის შესახებ, - თუ რა ხორციელდება იმისათვის, რომ ამომრჩევლებს ყოველთვის ჰქონდეთ შესაძლებლობა ყველასთვის ხელმისაწვდომად გარემოში შეასრულონ საკუთარი მოქალაქეობრივი ვალი.

„უფრო ახლოს“ საარჩევნო ადმინისტრაციის ახალი ინიციატივის სლოგანია, რაც ამომრჩევლებსა და საარჩევნო ადმინისტრაციებს შორის უფრო



უშუალო და ეფექტურ კომუნიკაციას გულისხმობს და ამომრჩევლის ინფორმირებასთან ერთად პროექტის ერთ-ერთი მნიშვნელოვანი მიზანიაც არის.

გასვლითი შეხვედრებით საარჩევნო ადმინისტრაცია მიზნად ისახავს ამომრჩევლის იყოს კარგად ინფორმირებული, - იცოდეს საკუთარი საარჩევნო უფლებები, გააგოს თუ რა კეთდება საარჩევნო პროცესების ეფექტურად განხორციელებისთვის და იცოდეს, რომ საარჩევნო საკითხებთან დაკავშირებით დახმარების მიზნით ყოველთვის შეუძლია მიმართოს თავის საოლქო

საარჩევნო კომისიას. ცესკოს ინოვაციური პროექტის „ვესაუბრებით ამომრჩევლებს“ ფარგლებში პირველი შეხვედრა გაიმართა ქუთაისის ამომრჩევლთან.

59-ე ქუთაისის საოლქო საარჩევნო კომისიის წევრებმა და მოხალისეებმა ქუთაისელი ამომრჩევლებს მიაწოდეს ინფორმაცია მათი ინფორმირებულობის გაზრდისა და საარჩევნო უფლებების თაობაზე, ცესკოს მიერ განხორციელებულ და განსახორციელებელ ინოვაციურ პროექტებსა და შეთავაზებულ სერვისებთან დაკავშირებით.

კლინიკები ვალდებული ხდებიან, განახორციელონ გადაუდებელი სამედიცინო მომსახურება ყველა შემთხვევაში, თუკი მოქალაქის სიცოცხლეს და ჯანმრთელობას საფრთხე ემუქრება

სამედიცინო დაწესებულებებს კანონით დაკისრებული ვალდებულება ექნებათ, განახორციელონ გადაუდებელი სამედიცინო მომსახურების მიწოდება ყველა შემთხვევაში, თუკი მოქალაქის სიცოცხლესა და ჯანმრთელობას საფრთხე ემუქრება. ამასთან, სიცოცხლისათვის საშიშ მდგომარეობაში მყოფი ავადმყოფისთვის გადაუდებელი სამედიცინო დახმარების გაუწყვლობა, მათ სისხლის სამართლის პასუხისმგებლობას გამოიწვევს.

„ჯანმრთელობის დაცვის შესახებ“ კანონსა და „სისხლის სამართლის კოდექსში“ დაგეგმილი ცვლილებები დღეს ადამიანის უფლებათა დაცვის კომიტეტმა პირველი მოსმენით განიხილა. პროექტის ავტორები არიან პარლამენტის წევრები: სოფიო კილაძე, რატი იონათამიშვილი, ანრი ოხანაშვილი და ვანო ზარდიაშვილი. როგორც ცნობილია, 2017 წლის 1-ელი იანვრიდან საყოველთაო ჯანდაცვის სახელმწიფო პროგრამით განსაზღვრული მომსახურებებით კერძო დაზღვევით მოსარგებლე პირები ვერ სარგებლობენ. როგორც კილაძემ განმარტა, აღნიშნულმა წარმოქმნა გარკვეული პრობლემები სამედიცინო სერვისების მიღებისას იმ შემთხვევებში, როდესაც ჯერ კიდევ არ არის გარკვეული დაზღვეული პირის ბრალეულობა დაზღვეულის ჯანმრთელობის დაზიანების შემთხვევაში.

„დღეს მოქმედი კანონი ექიმს ავალდებულებს, აღმოუჩინოს პაციენტს სამედიცინო დახმარება და უზრუნველყოს მისი უწყვეტობა, თუ გამოხატულია სიცოცხლისათვის საშიში, მათ შორის, თვითმკვლელობის მცდელობით განპირობებული მდგომარეობა ან პაციენტი საჭიროებს გადაუდებელ სამედიცინო დახმარებას ექიმის სამუშაო ადგილზე, თუმცა კანონში არსადაა ნახსენები სამედიცინო დაწესებულების მსგავსი ვალდებულების შესახებ. როგორც წესი, ექიმი სწორედ სამედიცინო დაწესებულების პოლიტიკის გამტარად გვევლინება. შესაბამისად, კერძოდ დაზღვეული პაციენტი შეიძლება აღმოჩნდეს დაუცველი, როდესაც მას მიაღვა ჯანმრთელობის დაზიანება და ჯერ არ არის გარკვეული მისი ბრალეულობა. ბრალეულობის დადგენის პროცესი კი, შესაძლებელია რამდენიმე კვირა ან სულაც რამდენიმე თვე გაგრძელდეს. კერძოდ დაზღვევა მას მსგავს შემთხვევებს ამ პერიოდის განმავლობაში არ უნაზღაურებს. არსებობს რისკი, რომ სამედიცინო დაწესებულებამ უარი თქვას მის მიღებაზე დაზარალებულის ფინანსური რესურსების არქონის გამო. პრაქტიკაში გვხვდება ასეთი შემთხვევები“, - ითქვა კომიტეტის დღევანდელ სხდომაზე.



„ქარვისფერი ღვინო“ ვაზისა და ღვინის საერთაშორისო ორგანიზაციის სპეციალური ღვინოების ჩამონათვალში შევა



„ქარვისფერი“ (ფაილი ნიხაიაშვილი)

ვაზისა და ღვინის საერთაშორისო ორგანიზაციამ (OIV) დაჩქარებული წესით განხილვაში მიიღო ქართული მხარის წინადადება, რომ ქართული ტრადიციული მეთოდებით დამზადებული ღვინო, ანუ ჰაჭაპხე დაღვლებული ღვინო სახელწოდებით „ქარვისფერი ღვინო“, OIV-ის სპეციალური ღვინოების ჩამონათვალში შევიდეს.

ღვინის ეროვნული სააგენტოს თავმჯდომარის, გიორგი სამანიშვილის განცხადებით, ქართული მხარის ამ მიმართვას OIV-ის მხრიდან დადებითი გამოხმაურება მოჰყვა.

„ეს სიახლე კიდევ ერთი მნიშვნელოვანი წინგადადგმული ნაბიჯი იქნება ქართული ტრადიციული ღვინოების პოპულარიზაციისა და ცნობადობის ასამაღლებლად მთელს მსოფლიოში“ - აღნიშნა გიორგი სამანიშვილმა. მისი თქმით, ამჟამად OIV-ის სპეციალური ღვინოების ჩამონათვალში არის სულ 7 ღვინო - შუშუნა, ცქრილა, შემეგრებული, ლიქიორული, ბუნებრივად ტკბილი ღვინოები, „აისვანი“ და აპკის ქვეშ დავარგებული (ხერესის ტიპი).

შესაბამისი პროცედურების დასრულების შემდეგ, ქართული „ქარვისფერი ღვინო“ OIV-ის სპეციალური ღვინოების ჩამონათვალში მერვე იქნება.

ქუთაისის სკოლების მოსწავლეები სოფლის მეურნეობის სამინისტროს საქმიანობას გაეცნენ



პროგრამის „სამოქალაქო განათლება - მომავლის თაობა“ ფარგლებში, რომელსაც ქუთაისის განათლების განვითარების და დასაქმების ცენტრი აშშ-ის საერთაშორისო განვითარების სააგენტოს (USAID) და ორგანიზაციისთან ph International Georgia პარტნიორობით ახორციელებს, იმერეთის რეგიონის საჯარო სკოლების მოსწავლეები სოფლის მეურნეობის სამინისტროს და მის სისტემაში შემავალი უწყებების მუშაობის პროცესს გაეცნენ.

სკოლის მოსწავლეებს სოფლის მეურნეობის სამინისტროს მოადგილე გიორგი ხანიშვილი შეხვდა და სოფლის მეურნეობის დარგის მნიშვნელობაზე ესაუბრა. მინისტრის მოადგილემ ხაზგასმით აღნიშნა, რომ გრძელვადიან პერსპექტივაში სოფლის მეურნეობის სექტორის განვითარებისთვის ახალგაზრდების ჩართულობა განსაკუთრებით მნიშვნელოვანია.

„მსოფლიოს მასშტაბით, სოფლის მეურნეობის დარგი სწრაფად ვითარდება, ინერგება თანამედროვე ტექნოლოგიები და წარმოება სულ უფრო მაღალ სტანდარტებზე გა-

დადის. შესაბამისად, საქართველოს სოფლის მეურნეობა სწორედ ამ გამოწვევების წინაშე დგას და მათი დაძლევა ცოდნის, გამოცდილების და კვალიფიკაციის გარეშე წარმოუდგენელია. ახალ თაობას ამ მიმართულებით განსაკუთრებით დიდი როლი აქვს. თქვენ მაქსიმალურად უნდა გამოიყენოთ ყველა ის შესაძლებლობა, რასაც თანამედროვე სამყარო გთავაზობს. კარგი განათლებით და საფუძვლიანი ცოდნით, შეძლებთ გააგრძელოთ და განავითაროთ ის უძველესი დარგი და ტრადიციები, რაც საქართველოს სოფლის მეურნეობის მიმართულებით აქვს“, - აღნიშნა გიორგი ხანიშვილმა.

შეხვედრა კითხვა-პასუხის რეჟიმში გაგრძელდა. მინისტრის მოადგილემ მოსწავლეების ყველა შეკითხვას ამომწურავად უპასუხა.

გაცნობითი ტურის ფარგლებში, იმერეთის რეგიონის საჯარო სკოლების მოსწავლეებმა ღვინის ეროვნული სააგენტოს ენთუკა, მარანი და ღვინის მუზეუმიც დაათვალიერეს. ღვინის ეროვნული სააგენტოს თავმჯდომარემ, გიორგი სამანიშვილმა ახალგაზრდებს საქართველოში მე-

ვენახეობა-მეღვინეობის უძველესი ტრადიციები გააცნო და ღვინის დაყენების ქართულ, უნიკალურ მეთოდზე გაამახვილა ყურადღება. როგორც გიორგი სამანიშვილმა საუბრისას აღნიშნა, არსებობს ვაზის 500-ზე მეტი ქართული, უნიკალური ჯიშები, რომელთა მოძიებასა და აღდგენას სოფლის მეურნეობის სამეცნიერო-კვლევითი ცენტრი ახორციელებს. ღვინის სააგენტოს თავმჯდომარემ ენთუკაში და ღვინის მუზეუმში დაცულ ექსპონატებზე მოსწავლეებს დეტალური ინფორმაცია მიაწოდა.

სურსათის უვნებლობის, ვეტერინარიისა და მცენარეთა დაცვის კუთხით სახელმწიფოს მიერ განხორციელებულ ღონისძიებებზე მოსწავლეებს დეტალური ინფორმაცია სურსათის ეროვნული სააგენტოს სპეციალისტებმა მიაწოდეს. ახალგაზრდებმა ყველა ის აღჭურვილობა და ტექნიკა დაათვალიერეს, რომელსაც სააგენტოს სპეციალისტები სურსათის კონტროლის, ვეტერინარიული და ფიტოსანიტარიული ღონისძიებების განხორციელებისთვის იყენებენ.

წელს საფერავის ჯიშის ყურძენზე სუბსიდირება არ განხორციელდება

წელს საფერავის ჯიშის ყურძენზე სუბსიდირება არ განხორციელდება, - ამის შესახებ სოფლის მეურნეობის მინისტრმა ლევან დავითაშვილმა განაცხადა. მისი თქმით, დღეის მდგომარეობით, საფერავის ჯიშის ყურძენზე სუბსიდირების განხორციელების საჭიროება არ არსებობს. მინისტრის განმარტებით, ასევე მოლოდინები არსებობს იმასთან დაკავშირებით, რომ სუბსიდირება არ განხორციელდეს რქაწითელის ჯიშის ყურძენზეც. დავითაშვილის განცხადებით, უკვე ცალსახად შეიძლება ითქვას, რომ საფერავის ჯიშზე სუბსიდირება არ განხორციელდეს, ხოლო მთავრობაში სხვა ჯიშის ყურძენთან დაკავშირებით სუბსიდირების საკითხებზე შეჯერებული პოზიცია არ არსებობს. მინისტრის თქმით, ბოლო სამი წლის განმავლობაში შეიქმნა გარკვეული ინსტრუმენტები, რომ ბრენდის ინდუსტრიამ სპირტის გამოასყიდა რქაწითელი დააფინანსოს. მან ხაზგასმით აღნიშნა, რომ მიუხედავად მოლოდინებისა და არსებული გადაწყვეტილებისა, რთველის პროცესში მას გლახება და მწარმოებლებთან ექნება კომუნიკაცია.

„წელს ყურძენის სუბსიდირება არ გვექნება ცალსახად საფერავში. მოლოდინი ისეთია, რომ სუბსიდირება არ გვექნება არც თუთრის ყურძენზე. ჩვენ ბოლო სამი წლის განმავლობაში დავიწყეთ გარკვეული ინსტრუმენტების შექმნა, რომ ბრენდის ინდუსტრიამ სპირტის გამოასყიდა რქაწითელი დააფინანსოს. ეს არის დღეის გეგმა. რთველის დროს გვექნება კომუნიკაცია. ანუ ეს არის მთავრობაში შეჯერებული სკენარი, მაგრამ მოლოდინები გვაქვს, რომ საფერავსა და რქაწითელზე არ გვექნება სუბსიდირება“, - განაცხადა დავითაშვილმა.

ქუთაისის ბოტანიკური ბაღის დათვალიერების მსურველებს ერთი ლარის გადახდა მოუწევთ

ქუთაისის მერიამ ბოტანიკური ბაღის დათვალიერების საფასური შემოიღო. 1 ივნისიდან ბოტანიკური ბაღის დათვალიერების მსურველებს სიმბოლური ფასის, 1 ლარის გადახდა მოუწევთ, საქორწინო ფოტოსესიები კი უფრო ძვირი ეღირება. საკითხის განხილვამ საკრებულოს წევრებს შორის აზრთა სხვადასხვაობა გამოიწვია. ვია უკლებამ ქალაქის მერს დამატებითი შეკითხვები დაუსვა, თუ რატომ ხდება ფასიანი ბაღის დათვალიერება და რა გაუმჯობესდება ამ გადასახადის შემოღებით? საკითხს მხარი არ დაუჭირა ლიბორისტული პარტიის წარმომადგენელმა, სამსონ გუგავამაც. „მოქალაქეები, როგორც გადამხდლები, ისეც იხდიან ბოტანიკური ბაღის შენახვის საფასურს. ბიუჯეტიდან საკმაოდ სოლიდური თანხა ირიცხება ბოტანიკური ბაღის შესანახად, თუმცა რამე განსაკუთრებულ სერვისს ვერ სთავაზობს ის მომხმარებელს. ნელისუფლება ყურთულებს ხალხს ცხოვრებას.“ - განაცხადა სამსონ გუგავამ.

„ჩვენ ბოტანიკური ბაღი იმ მდგომარეობაში ჩავგვრდა, შიგ არ შეისვენებოდა. მისი რეაბილიტაცია ნახევარი მილიონი ლარი დაგვიჯდა. ახლა გადაწყვეტილი, როგორც ყველა ბოტანიკური ბაღი, ესეც ფსიანი ვაგხადოთ. შეღავათები დაწესდება 7 წლამდე ბავშვებზე და შეზღუდული შესაძლებლობის მქონე პირებზე.“ - განაცხადა შოთა მურდულიამ.

ავთანდილ სურციკა: „ყველა ჩხუბს სიყვარულით ვჩხუბობ“

მსოფლიო მასშტაბის ქართველი მოკრივე, კიდევ ერთი ბრწყინვალე გამარჯვების შემდეგ, თავის სამშობლოს ესტუმრა. 36 წლის ავთანდილ სურციკი, იგივე "ჩაქუჩა", რომელიც ამჟამად ამერიკაში მოღვაწეობს, უკვე მეოთხედ გახდა მსოფლიო ჩემპიონი. მან 22 აპრილს, ქალაქ ლესტერში, დამარცხა უძლიერესი მეტოქე ბრიტანელი ტომილენგფორდი, რომელიც ნოკაუტში გაგზავნა და საშუალო წონაში WBO-ს დროებითი ჩემპიონის ტიტული დაიკავა.

მორის გრძნობამ სრულიად შეცვალა ჩემი მოლოდინები.

— ბატონო ავთანდილ რედაქციის სახელით მადლობას გიხდით, რომ ჩვენთვის დრო გამოიხატეთ. იქნებ გავაცნოთ თქვენი მოკლე ბიოგრაფია, თქვენს ბავშვობაზე მოგვიყვით?!

— დავიბადე ქუთაისში. ვიზრდებოდი გორაზე მშობლებთან და დამასთან ერთად. საკმაოდ ღარიბი ოჯახში ვიზარდებდი. წარმოშობით ვანელი ვარ. ძალიან თავისუფალი, დაუჭრებელი, ცელქი და ჯიუტი ბავშვი ვიყავი. პატარაობიდანვე ჩემი პრინციპები მქონდა. ეს თვისება დღემდე გამომყვება.

— როდის აღმოაჩინეთ, რომ კრივით იყავით დაინტერესებული?

— ძალიან გვიან - 21 წლის ასაკში მივხვდი, რომ სპორტი იყო ჩემი. დიდი დრო დავკარგე.

— როგორია თქვენი დამოკიდებულება ცხოვრებისეულ ფასეულობებთან, გარესამყაროსთან?

— პირველი, რწმენა ღმერთის და შემდეგ - საკუთარი თავის. აუცილებლად უნდა გწამდეს საკუთარი თავის!

— რამდენად გბოჭავთ ქართული ტრადიციები? რას თვლით უზენობად?

— ქართველებს გადაემეტებელი გვიყვარს ყველაფერი. სიყვარულიც, მტრობაც, მეგობრობაც - ყველაფერი ვიცით ზედმეტი. ჩემი აზრით, მთავარია აღამიანი არ იყოს უზრდელი, ბოროტი და შურიანი. უზენობად ვთვლი უხამსსაქციელს და ხასიათს.

— თქვენ და ქუთაისი - რა გავლენა მოახდინა თქვენზე მშობლიურმა ქალაქმა?

— მიყვარს ქუთაისი. მთელი ბავშვობა ამ ქალაქში ვავატარებ. როცა დრო მაქვს, სულ ჩამოვდივარ. ბევრი კარგი თვისება შემძინა ამ ქალაქმა, ბევრი ისეთი რამეც დავიინახე ამ ქალაქში, რაზეც დღემდე მწყდება გული, მაგრამ ამას არა აქვს მნიშვნელობა. ქუთაისი შეუღებელი ქალაქია, ვერცერთ სხვა ქალაქს



ვერ შევადარებ, სადაც მიცხოვრია. — თქვენი პირველი ნაბიჯები სპორტში უკავშირდება ქუთაისს, კლუბ "იმედს" და გრანდ-მასტერ მურთაზ ბეზიას. რას გვეტყვით თქვენს პირველ მწვრთნელზე?

— ჩემი და მურთაზის ურთიერთობა შეუღებელია, ეს მთელმა ქალაქმა იცის. ჩემი და მურთაზ ბეზიას დამოკიდებულება არ ჰგავდა მწვრთნელის და მოსწავლის ურთიერთობას. მას მშობლის ამავი აქვს ჩემზე. ბავშვობაში ხშირად ვჩხუბობდი, მურთაზი კი დადიოდა და სულ მეძებდა, რომ არაფერი მომსვლოდა. იმ დროიდან დაწყებული დღემდე ჩვენ ოჯახური ურთიერთობა გვაქვს, წლები ერთად ვცხოვრობდით კიდევ.

— თქვენი მეტსახელი "ჩაქუჩა" საიდან წამოვიდა?

— ერთხელ ქუთაისში სიყვარულის ბაღში ვიჩხუბე და მასე შემდეგ შემარქვეს მეტსახელი "ჩაქუჩა".

— რა განცდა გეუფლება, როდესაც საკუთარ ქვეყანაში ვერ ახდენთ

საკუთარი შესაძლებლობების ჩვენებას დასხვავან გიწვეთ თავის დამკვიდრება

— სამწუხაროდ, ჩემი ქვეყანა ბევრმა არ იცის. ამერიკაში როდესაც ვახსენებ საკრთველოს, ისევ რუსეთის ნაწილი ვხედავ, რაც გულსატკეპია. საქართველო უნდა წარმოვაჩინოთ მე და ჩემნაირებმა. არც ჩვენ გვექცევა სათანადო ყურადღება. მე სხვა ქვეყნის სახელით არასდროს ვასპარეზობ. ამაზე ხშირად მაქვს დავა. მე უნდა შემეყვარონ როგორც ქართველი. ათასი პასპორტი რომ ავიღო, მე მაინც ქართველი დავჩრდივები. თუმცა, დიდი მადლობა უტყვიან და ამერიკას, სადაც პროფესიონალი მოკრივე ვავხდები.

— ძალიან მალე მოვიდა ბევრი წარმატება და თავბრულ ხომ არ დაგახვიათ ამ ყველაფერმა?

— კი, მაგრამ ამას არ შეგუცვლივარ. უბრალოდ, ცხოვრებამ და ხალხმა დაპარაკი მასწავლა. აღრე უფრო მორიდებული ვიყავი.

ყველას უყვარს გამარჯვებული, დამარცხებული - არავის.

— რინგმა ბედნიერება მოგიტანათ?

— ბედნიერი ვარ და ამაყიც, ვაკეთებ იმ საქმეს, რომელიც მიყვარს და მივალწვი იმას, რისთვისაც ვერ არცერთ ქართველს არ მიუღწევია - უმაღლესი ლიგის ყველა ვერსიის ქამარი მოპოვებული მაქვს. მეექვსე ქამარი მოვიგეხალა.

— პირად რინგზე რა ხდება? კარიერამ თქვენი პირადი ცხოვრება ხომ არ დაგაზარალათ?

— საერთოდ არა (იღიმის). მე სხვანაირი პიროვნება ვარ, პრინციპული და უბრალოდ, ვერ ვერ ვნახე შესაბამისი ყველაფერი, ერთგულელებაზე და ურთიერთგატანაზე დამყარებული.

— გმადლობთ, გისურვებთ წარმატებებს!

ესაუბრა ლიკა დავდარიანი

ქუთაისის აეროპორტი მსოფლიოში ყველაზე ლამაზ აეროპორტებს შორის მოხვდა

ვებგვერდი curbed.com მსოფლიოში ყველაზე ლამაზ აეროპორტების სიას აქვეყნებს. სტატიის მიხედვით, საინტერესოა დიზაინის მქონე აეროპორტების აშენების, ან უკვე არსებულის მოდერნიზების ტენდენცია კვლავ აქტუალურია. ამის დასტურია აშშ-ში არსებული ნიუ-ორლეანის, ტამპას, ორლანდოსა და ლოს-ანჯელესის აეროპორტები. საინტერესოა, რომ სიაში ქუთაისის აეროპორტიც გვხვდება. „დიდი ფანჯრები ნათელ ინტერიერს ქმნიან, საიდანაც კავკასიონი ჩანს, ხოლო ტერ-

მინალის ცენტრში არსებული, ხის მსგავსი სტრუქტურა, მგზავრების შეკრების ადგილს წარმოადგენს. აეროპორტის არქიტექტორმა, ბენ ფან ბერკელმა, შენობაში დიდი, გამოსილი სივრცეები დააპროექტა, რაც ძველ მატარებლის სადგურებს მოგვაგონებს,“ აღნიშნულია სტატიაში.

გთავაზობთ მსოფლიოში ყველაზე ლამაზ აეროპორტების სრულ სიას:

1. ბაქოს ჰაიდარ ალიევის

- სახელობის საერთაშორისო აეროპორტი (აზერბაიჯანი);
- დენვერის საერთაშორისო აეროპორტი (აშშ);
- მადრიდის ბარახას საერთაშორისო აეროპორტი (ესპანეთი);
- კანსაის საერთაშორისო აეროპორტი (იაპონია);
- პეკინის საერთაშორისო აეროპორტი (ჩინეთი);
- ჩატრაპტი შივჯის საერთაშორისო აეროპორტი (ინდოეთი);
- ქუალა ლუმპურის საერთაშორისო აეროპორტი (მალაიზია);
- მარაკემ მენარას აეროპორტი (მაროკო);
- ქუთაისის საერთაშორისო აეროპორტი (საქართველო);
- შენჯენის საერთაშორისო აეროპორტი (ჩინეთი);
- პულკოვოს აეროპორტი (რუსეთი);
- დედოფალი ელიას საერთაშორისო აეროპორტი (იორდანია).



ქუთაისის დიდი მუსიკალური თეატრში
“თეატრალური იმერეთი 2017”

27 მაისი	კომპოზიტორი: ე. ჰაინციხიანი სახ. სახელმწიფო პროფესიული თეატრის მუსიკალური დირიჟორი "რევიზორი" ჩამოსრუნი: ბირონი თეატრი	7 ივნისი	ალექსანდრე სპინოვი თეატრი "მთავრობის მსახურში" ჩამოსრუნი: მთავრობის მსახურში
28 მაისი	მუსიკალური კომპოზიტორი: ე. ჰაინციხიანი სახ. სახელმწიფო პროფესიული თეატრის მუსიკალური დირიჟორი "ზღაპრები იმი, ბათრუს და შიბაღას" ჩამოსრუნი: ბირონი თეატრი	8 ივნისი	საბურთლოს რაიონის მუსიკალური თეატრი "მე ვხედავ მზეს" ჩამოსრუნი: ბირონი თეატრი
29 მაისი	კომპოზიტორი: ე. ჰაინციხიანი სახ. სახელმწიფო პროფესიული თეატრის მუსიკალური დირიჟორი "ღამის მუსიკალური დედა" ჩამოსრუნი: ბირონი თეატრი	9 ივნისი	ბირონი თეატრი "მუსიკალური ქალის ნარილი" ჩამოსრუნი: ბირონი თეატრი
30 მაისი	მუსიკალური კომპოზიტორი: ე. ჰაინციხიანი სახ. სახელმწიფო პროფესიული თეატრის მუსიკალური დირიჟორი "კამილა პრინციპი" ჩამოსრუნი: ბირონი თეატრი	12 ივნისი	საბურთლოს რაიონის მუსიკალური თეატრი "მე ვხედავ მზეს" ჩამოსრუნი: ბირონი თეატრი
31 მაისი	კომპოზიტორი: ე. ჰაინციხიანი სახ. სახელმწიფო პროფესიული თეატრის მუსიკალური დირიჟორი "მე ვხედავ მზეს" ჩამოსრუნი: ბირონი თეატრი	13 ივნისი	ბირონი თეატრი "სახლი ღრუბლებში" ჩამოსრუნი: ბირონი თეატრი
3 ივნისი	კომპოზიტორი: ე. ჰაინციხიანი სახ. სახელმწიფო პროფესიული თეატრის მუსიკალური დირიჟორი "რევიზორი" ჩამოსრუნი: ბირონი თეატრი	14 ივნისი	ბირონი თეატრი "სახლი ღრუბლებში" ჩამოსრუნი: ბირონი თეატრი
5 ივნისი	საბურთლოს რაიონის მუსიკალური თეატრი "მე ვხედავ მზეს" ჩამოსრუნი: ბირონი თეატრი	14 ივნისი	ბირონი თეატრი "სახლი ღრუბლებში" ჩამოსრუნი: ბირონი თეატრი
6 ივნისი	მუსიკალური კომპოზიტორი: ე. ჰაინციხიანი სახ. სახელმწიფო პროფესიული თეატრის მუსიკალური დირიჟორი "რევიზორი" ჩამოსრუნი: ბირონი თეატრი		

დას: 18:30 სთ
სპექტაკლებზე დასწრება თავისუფალია